



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XXXIX. Scientiarum compendium. Illuminatissima scientiis, &
cognitione entis divini vixit Maria.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XXXIX.

*Maria supra omnes creaturas illuminatissima,
Regina est Prophetarum.*

Exordium.

EX sacris litteris clarè habetur, quòd nomen *Propheta*, idem sit, ac *illuminatus*, seu *videns*, ita enim clarè habetur, lib. 1. Reg. cap. 9. *Qui enim Propheta dicitur hodie, vocabatur olim videns.* Ratio est, quia de absconditis rebus adeò clarè illuminabantur *Prophetae*; ac si ea apertè ante oculos haberent. *Mariae* nomen interpretatur *S. Thomas de Aquino Opuscul. 1.* quòd idem sonet, ac *illuminata* seu *videns*, verè etenim supra omnes creaturas illuminata fuit, & ideo colenda est *Regina Prophetarum*. SS. Patres desuper audiamus. *Quòd Maria prophetissa fuerit, ad quam proximè accessit Isaias per prae-motionem Spiritus, nemo contradixerit, qui sit memor verborum Mariae, qua Propheta afflata spiritu elocuta est: Quid enim ait: Magnificat anima mea Dominum, & exultavit spiritus meus in Deo salutari meo, quia respexit humilitatem ancilla sua, ecce enim ex hoc beatam me dicent omnes generationes.* commentatur *S. Basilius. in cap. 8. Isai. Proph. Beata Virgo, etiam dum erat in utero Matris, habuit usum liberi arbitrii, atque lumen perfectum in intellectu & ratione, ut perfectius, etiam in utero Matris contempleretur Deum, quam unquam fuit contemplatus aliquis in perfecta aetate.* perorat *S. Bernardinus Senensis. serm. de Concept. B. V. art. 1. cap. 2. Etiam in ipso Conceptu vel partu beata Virgini datum est ad horam, ut videret clarè mysteria, ut in patria scribit S. Antoninus. part. 4. tit. 15. cap. 17. §. 1. Sicut Maria Filius, statim perfectum sensum habuit, quando in eju utero humanatus exiit, sic & Maria post suam natiuitatem in juniori aetate, sensum & intellectum adeptam fuit.* ait *S. Brigitta.*

SS. Patres.

S. Basilius.

S. Bernardinus Senensis.

S. Antoninus.

S. Brigitta.

gitta. in ferm. Angeli cap. 12. *Praelectissima Virgo, dum vixit adhuc in corpore mortali, interdum raptam est in divitias gloria Dei, usque ad summam Trinitatis visionem, per speciem, multo itaq; clarius, & ut puto, multo frequentius ac diuturnius, quam Paulus aut Moyses, arbitratur Dionysius Carthusianus,* S. Dionysius Carthusianus, lib. 1. Sent. Dist. 16. Quæst. 2. *Divinis illustrabatur intus visitationibus, quam totam repleverat Spiritus sancti gratia, confirmat S. Hieronymus. Tom. 9. Epist. de Assumpt. B. V. ad Paul. & Eustoch. hujus luminis gratiam te flagitamus piissima Virgo, ut Reginam te Prophetarum profundis Conceptibus tanto felicius elucidemus.* S. Hieronymus.

CONCEPTUS I.

Sponsa cœlestis, Mariæ Virginis figura, refert, se ductam fuisse à sponso, id est Spiritu S. in cellam vinariam. Confirmatio, seu deductio. *Introduxit me in cellam vinariam, Cant. 2. cap. Quid in cellam vinariam faciat sponsa? An vino assuefacere sponsam intendit sponsus, quod in cellam vinariam introducere complacuerit? Certè vinum bibisse Maria Virgo non legitur, quamvis vinum in nuptiis Canæ in Galilæa deficiens, à Filio creandum sollicitaverit misericordiæ Mater. Cur ergo in cellam vinariam Virginem sobriissimam introducit Spiritus S.? Vinum modicè sumptum, confortat cerebrum, acuit ingenium, animat intellectum, scientiæ ergo typus est vinum; non de materiali vino, sed de mystico canit sponsa, cujus mysterium pandit Rupertus Abbas, per cellam vinariam, gaz ophylacium Scientiæ divina intelligens, illuc Mariam Virginem introduxit Spiritus S., ut plusquam Prophetico eam spiritu superimplet, & luce verâ, quæ illuminat omnem hominem venientem in hunc mundum, supra omnem creaturam efficacius illustraret, quod & factum adimplevit. Verba Abbatis doctissimi recitemus. lib. 3. in Cant. *Si quispiam dixit, & teste Deo, vel conscio, non mentiens dixit, raptum se fuisse in Paradisum, sive ad tertium cælum, ita ut nesciat, sive in corpore,* sive*

sive extra corpus raptus fuerit, & audivisse arcana verba, quae non licet homini loqui; quanto magis tu Regina caelorum, per seipsum caelestibus interfuisti, quippe quam & circumsteterunt, obstrictum vice, gloriam Deo concinentes Angeli, & inter haec didicisti, vel affectata es aliquid, quod latet, & laterenos debet Regina Prophetarum!

CONCEPTUS II.

Prophetis proprium est, futura non solum praevidere, sed praevius etiam temporibus, antequam contingant, longe praenuntiare; magna praevidit & praenuntiavit de seipsa benedicta inter mulieres Virgo Maria, cum enim per montana festinanter abiisset in domum Elisabeth, ut ibidem cognata deferviret, humanissime salutata, & dignissimis honorum titulis excepta, inaudiit Elisabeth encomiasten. *Unde hoc mihi, ut veniat Mater Domini mei ad me? & beata qua credidisti, quoniam perficientur ea, quae dicta sunt tibi à Domino.* Lucæ 1. cap. Unde sciverat Elisabeth, Mariam Virginem Matrem esse Domini sui? non aliunde, quam spiritu repleta prophetizavit de Mariâ. *Et repleta est Spiritu S. Elisabeth, & exclamavit voce magna, & dixit: Benedicta tu inter mulieres, & benedictus fructus ventris tui.* Sed supra omnem prophetiam praedixit de seipsa Virgo benedicta. *Ecce enim ex hoc beatam me dicent omnes generationes.* Quis hoc dixit, aut revelavit illi? *Dicta sunt tibi à Domino.* Ecce igitur supra omnes Prophetas Maria illuminata & videns, Regina est Prophetarum.

CONCEPTUS III.

Donum Prophetiae, donum est Spiritus S., semper enim prophetavere ii, super quos Spiritus S. descenderat: in antiquo Testamento testes sunt septuaginta illi viri Israëli, de quibus lib. Numerorum cap. 11. *Cumque requievisset in eis Spiritus,*

tus, prophetaverunt. In novo Testamento Zacharias pater Joannis apud S. Lucam Evangelistam. 1. cap. *Et Zacharias pater ejus repletus est Spiritu S. & prophetavit.* Supra quem Sanctorum omnium gratiosius descendit Spiritus sanctus? neminem hominum, vel etiam Angelorum perfectius replevit, in neminem plenius supervenit, quam in Mariam, in eam cum omnibus suis donis largissimo imbri descendit, eam super omnes Prophetas, dono prophetiae copiosius superfudit, ipsa ergo dignissima est Prophetarum Regina. Favet Conceptui S. Athanasius serm. de Deipara V. *Spiritus S. in Virginem descendit cum omnibus suis essentialibus virtutibus, quae illi per rationem divini Principatus adsunt, imbuens eam gratia, ut in omnibus esset gratiosa, atque ideo gratia plena cognominata est, eod quod ab impletione Spiritus S. omnibus gratius abundaret, & virtute Altissimi obumbraretur.* Adhuc clarius confirmat S. Amadæus. Homil. 3. *Spiritus S. superveniet in te; in alios Sanctorum venit, in alios veniet, sed in te superveniet, quia pra omnibus & super omnes elegit te, ut superes universos, qui ante te fuere, vel post te futuri sunt, plenitudine gratiae.* addit Doctor seraphicus S. Bonaventura. in Specul. B. V. Lect. 2. *Nunquid non supergressa es divitias Virginum, Confessorum, Martyrum, Apostolorum, Prophetarum, Patriarcharum, & Angelorum, cum ipsa sis primitiva Virginum, Speculum Confessorum, Rosa Martyrum, Registrum Apostolorum, Filia Patriarcharum, Regina Angelorum, Oraculum Prophetarum.*

CONCEPTUS IV.

Congregatis in pietate ac devotione Christicolis, die Pentecostes descendit de caelo Spiritus S., seditque supra singulos eorum, à primo usque ad ultimum, omnes illuminavit. *Repleti sunt omnes Spiritu S., & caperunt loqui variis linguis, prout spiritus S. dabat eloqui illis.* Act. 2. cap. Quis piæ ac devotæ hujus congregationis caput & præses fuit? nonne Maria? Si ergo ultimum & minimum in illâ congregatione illu-

minavit Spiritus S., certè dignissimum ejus caput & præsidem potentius illuminaverit, Maria igitur supra omnes illuminata, Regina Prophetarum est. subscribunt SS. Patres. *In omnibus mysteriis perfectè instructa erat Maria.* inquit S. Bernardus. Hom. 4. super missus est. *Maria illuminata erat per continuam sacra Scriptura lectionem, illuminata per profundissimam contemplationem, illuminata per amicabilem Angelorum visitationem, illuminata per Dei apparitionem, & manifestationem, illuminata per adventum, & repletionem Spiritus S. illuminata per factam in ejus utero Dei ipsius inhabitationem.* docet B. Albertus Magnus. in Commentario super cap. 1. Luca. Et iterum Homil. 6. in Lucam. *Maria Virgo habuit scientiam legis, & rationes Prophetarum quotidianâ contemplatione agnovit.* Paucis confirmat illustris in multis S. Laurentius Justinianus. serm. de Purif. *Tu eras perfectâ in sapientia, propinqua Deo, Verbo Dei consanguinea, omnibus mysteriis celestibus repleta.* assentitur S. Papa Gregorius. cum seraphico Bonaventura in Spec. cap. 8. *Quidquid Patriarchis & Prophetis, imò & Angelis erat absconditum, non latuit Mariam.* Rationem reddit S. Augustinus. serm. de Nat. *Scientia Sanctorum deesse Maria non poterat, quæ ad pariendam prævisa erat plenitudinem Prophetarum, felici partu gloriosa Regina.*

CONCEPTUS V.

Ex hæsitante in linguâ, factus est Isaias disertus Orator, quo medio? Calculo ignito Seraphim tetigit os ejus, & mundavit à labe. *Volavit ad me unus de Seraphim, & in manu ejus calculus, quem forcipe tulerat de altari, & tetigit os meum, & dixit: Ecce tetigi hoc labia tua, & auferetur iniquitas tua, & peccatum tuum mundabitur.* ait ipse 6. cap. ex rudi pastore, factus est Moyse prudentissimus consiliarius dux, & præses Israëlitici populi; unde tanta prudentia? Per unicum amicabile, cum Deo in monte Horeb colloquium: *Moyse autem pascebat oves Jethro soceri sui, sacer-*
dotis

dotis Madian, apparuitq; ei Dominus in flammâ ignis de medio rubi. Exod. 3. cap. Ex simplicissimis piscatoribus Petrus & Andreas facti sunt Apostoli, prædicatores veritatis in universo mundo, quâ arte? Per descensum Spiritus Sancti in figurâ linguæ igneæ: *Et apparuerunt illis dispersa lingua, tanquam ignis, seditq; supra singulos eorum.* Act. 2. cap. De inexperto juvene, Joannes factus est profundus, & mysteriorum Dei perspicax Theologus; in quâ scholâ? De pectore Domini fluentia hausit sapientiæ, quando *supra pectus Domini in cenâ recubuit.* Joan. 21. cap. Angeli, in omni scientiâ eruditissimi sunt Spiritus: quâ de causâ? Quia continuo astant in conspectu Domini; supra omnes longè illustrior Maria est, Maria purificatione, ut Isaias, non indiget, nihil enim pollutum, macula non est in eâ; suavius & amicitabilius, quàm cum Moyse, locutus est Dei Filius cum Maria, quam innumeris vicibus filiali reverentiâ, amore tennerrimo, Matrem vocitavit; plenitudine gratiarum, inter quas utique scientia censetur, supra omnes Apostolos Mariam superfudit Spiritus S., in sinu Mariæ sine numero JESUS suavissimè recubuit, Mariæ primum ad Dei Majestatem locum celsè Angelis, Maria purior Angelis, propinquissima Deo, Domini consanguinea, inter cælestes incolas prima, mare gratiarum, electa ut Sol, Mater lucis veræ venientis in hunc mundum, illuminantis, Regina Prophetarum. Lacteis verbis suffragatur S. Bernardus. Hom. 4. super missus est. *Quemadmodum Sol omnia cæli lumina fulgore suo superat, sic post Deum Maria omnes rationales creaturas fulgore scientiæ transcendit.* Omnium Regina.

Cum ergo peregrinis nobis per desertum hujus mundi, Epilogus,
perque umbram periculosissimam mortis, ad veram lucem
faciendus sit transitus, illuminari à Matre lucis, gloriosissi-
mâ Prophetarum Reginâ flagitemus, oratione illâ efficaci,
quam Virgo ipsa pro felici morte S. Mechtildem edocuit,
Hort. Mar. Art. 4. cap 5 *O Domina mea sancta Maria! sicut
Filius Dei, tantâ te cognitione, & claritate dignatus est, ut*

non

totum

totum cælum illumines, ita in hora mortis animam meam cognitione fidei sic illustres, & corrobore, ut nullo errore aut ignorantia pervertatur. Amen.

Pulchra, velut luna, est Virgo præmillibus una,
 Non tam plena sibi, quam radiat a tibi.
 Ut sole prole nitet, cum JESU lumina mittet,
 Si non obstabis, sed cor utriq; dabis.

